

der leuendigher. een hope der sterue
der. een heyl alle der gheenre die i
dy hopen. voer din tijtlike wech
scheiden van deser werlt en voer
dinen salighen wtganc totten
vader vermids die tormenten des
wreden dodes en die martelie des
edelen cruces. **I**ck loue en ere dy voer
dijne doetformighe varwe daer du
mede gheschicket wordest toe der
doet ende voer dinen lesten strijt
Ick loue dy oech om dat ontbreke
alle dijne crachten. en om dat pij
like toeschoeren dijns seer mylike
herten. als du die biste een leuedich
maker alre gheesten niet en heue
ste versmadet onder toe gaen dat
ordel des dodes op dattu ons moch
test opdoen den wech der hemele
Ick loue en glorificere dy voer di
stercke roepen inden cruce dat al
le menschelike cracht en ghewoe